


| Tertib Surah | Nama Surah | Bilangan Ayat | Bilangan Ruku' | Makkiyyah / Madaniyyah | Tertib Turun | Bilangan Paragraf |
|--------------|------------|---------------|----------------|------------------------|--------------|-------------------|
| Ke-109       | Al-Kafirun | 6             | 1              | Makkiyyah              | Ke-18        | 3                 |





### **Zaman Diturunkan**

Surah al-Kafirun diturunkan pada peringkat kedua kehidupan Rasulullah di Mekah selepas da'wah secara terbuka dilancarkan di antara tahun ke-4 hingga ke-5 Kenabian. Pada ketika itu satu rombongan pemimpin-pemimpin Quraisy pergi bertemu dengan Rasulullah s.a.w., mereka mencadangkan satu bentuk perdamaian di mana satu tahun berhala-berhala mereka disembah dan satu tahun pula Allah disembah, sebagai jawapannya dikatakan dengan terus terang:

لَكُمْ دِينُكُمْ وَلِيَ دِينِ ⑤

6. "Bagimu ugamamu, dan bagiku ugamaku".

Begitulah perisytiharan secara terbuka diberikan tentang tidak adanya perkaitan dan hubungan dari segi amalan di antara orang-orang Islam dan orang-orang kafir.

### **Kelebihan Surah Al-Kafirun**

1. Rasulullah s.a.w. membaca Surah al-Kafirun dan Surah al-Ikhlâs dalam 2 rakaat sunat thawaf dan 2 rakaat sunat subuh. Shahih Muslim, hadits 726
2. Di dalam 3 rakaat sembahyang witir, selepas al-Fatihah dalam rakaat pertama, Rasulullah s.a.w. membaca Surah al-A'la, di dalam rakaat keduanya Surah al-Kafirun dan di dalam rakaat ketiganya pula Surah al-Ikhlâs. Hadits riwayat Sunan Ibnu Majah, hadits 1,171 dan Nasa'i di dalam Kitab Qiyamullail, hadits 1,684.

### **Perkaitan Surah Al-Kafirun Dengan Surah Sebelum Dan Selepasnya**

1. Surah al-Kautsar mengemukakan ramalan tepat tentang kebinasaan musuh-musuh Rasulullah, di dalam Surah al-Kafirun ini Rasulullah s.a.w. diperintah supaya menolak terus cadangan perdamaian bersifat politik yang dikemukakan oleh pemimpin-pemimpin kafir Quraisy Mekah. Di dalamnya perisytiharan secara terbuka dinyatakan bahawa tiada kompromi dan tolak ansur dalam soal aqidah tauhid.
2. Di dalam Surah an-Nashr akan datang terdapat bukti kebenaran bagi ramalan yang terdapat di dalam Surah al-Kautsar sebelum ini, pihak musuh yang menjadi أَتْر, pertolongan Allah telah tiba dan orang-orang Islam telah mendapat kemenangan.



### Beberapa Kata Kunci Dan Tema Utama Surah

Surah ini mengisytiharkan putus hubungan dan tiada kaitan langsung di antara tauhid yang diperjuangkan agama Islam dan kesyirikan. Surah ini juga menyatakan tiada sebarang kompromi dan tolak ansur dalam bab aqidah dan ibadat terutamanya dalam bab tauhid. Surah ini juga mengandungi berita gembira secara tersirat, kerana orang-orang Islam bertegas dengan aqidah tauhidlah mereka akhirnya mendapat kemenangan.